

2. Ovu odluku objaviti u "Službenim novinama Kantona Sarajevo".

Broj 01-05-537/01  
31. maja 2001. godine  
Sarajevo

Predsjedavajući Općinskog  
vijeća Novo Sarajevo  
**Ibro Čomić, s. r.**

Na osnovu člana 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00) i člana 65. stav 1. tačka 4. Statuta Općine Novo Sarajevo - prečišćeni tekst ("Službene novine Kantona Sarajevo", broj 1/01), Općinsko vijeće Novo Sarajevo, na XII sjednici od 31. maja 2001. godine, donijelo je

## ODLUKU

### O IZBORU PREDsjedNIKA KOMISIJE ZA ZAŠTITU LJUDSKIH PRAVA OPĆINSKOG VIJEĆA NOVO SARAJEVO

1. PETAR GRABOVAC, bira se za predsjednika Komisije za zaštitu ljudskih prava Općinskog vijeća Novo Sarajevo.
2. Ovu odluku objaviti u "Službenim novinama Kantona Sarajevo".

Broj 01-05-538/01  
31. maja 2001. godine  
Sarajevo

Predsjedavajući Općinskog  
vijeća Novo Sarajevo  
**Ibro Čomić, s. r.**

## OPĆINA TRNOVO

### Skupština Turističke zajednice

Na osnovu čl. 9. i 12. Zakona o turističkim zajednicama i promicanju turizma u Federaciji Bosne i Hercegovine ("Službene novine Federacije BiH", broj 19/96), te na osnovu Odluke o osnivanju Turističke zajednice Općine Trnovo, Skupština Turističke zajednice Općine Trnovo, na svojoj I redovnoj sjednici održanoj dana 4. juna 2001. godine, donijela je

## ODLUKU

### O IZMJENI I DOPUNI STATUTA TURISTIČKE ZAJEDNICE OPĆINE TRNOVO

#### I

U članu 40. Statuta Turističke zajednice Općine Trnovo u prvoj alineji iza teksta: "VII" dodaje se novi tekst: "VI ili IV", i iza teksta: "turističko-ugostiteljskog" dodaje se novi tekst: "ili društvenog smjera".

#### II

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-22-2/01  
4. juna 2001. godine  
Trnovo

Predsjednik Skupštine Turističke  
zajednice Općine Trnovo  
**Zahid Bešović, s. r.**

Na osnovu čl. 9. i 12. Zakona o turističkim zajednicama i promicanju turizma u Federaciji Bosne i Hercegovine ("Službene novine Federacije BiH", broj 19/96), te na osnovu Odluke o osnivanju Turističke zajednice Općine Trnovo, Skupština Turističke zajednice Općine Trnovo, na svojoj I redovnoj sjednici održanoj dana 4. juna 2001. godine, donijela je

## ODLUKU

### O IZMJENI I DOPUNI POSLOVNIKA O RADU SKUPŠTINE TURISTIČKE ZAJEDNICE OPĆINE TRNOVO

#### I

Tekst člana 11. Poslovnika o radu Skupštine Turističke zajednice Općine Trnovo, se briše i upisuje novi koji glasi: "Nadzorni odbor Turističke zajednice ima 3 (tri) člana, od kojih 2 (dva) člana bira Skupština Turističke zajednice, a 1 (jedan) član je predstavnik Općinskog vijeća Trnovo".

#### II

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-22-3/01  
4. juna 2001. godine  
Trnovo

Predsjednik Skupštine Turističke  
zajednice Općine Trnovo  
**Zahid Bešović, s. r.**

## OPĆINA VOGOŠĆA

### Općinsko vijeće

Na osnovu čl. 40., 49. i 56. Zakona o prostornom uređenju ("Službene novine Kantona Sarajevo", br. 13/99 i 19/99), člana 20. stav 1. tač. 4. i 62. stav 1. tačka 2. Statuta Općine Vogošća ("Službene novine Kantona Sarajevo", br. 13/98, 12/99 i 19/99), Općinsko vijeće Vogošća, na sjednici održanoj 30. maja 2001. godine donijelo je

## ODLUKU

### O PRISTUPANJU IZRADI IZMJENA I DOPUNA BR. 1 REGULACIONOG PLANA INDUSTRIJSKOG KOMPLEKSA "UNIS" U VOGOŠĆI

#### Član 1.

Pristupa se izradi izmjena i dopuna br. 1 Regulacionog plana industrijskog kompleksa "UNIS" u Vogošći (u daljem tekstu: Plan).

#### Član 2.

Granica prostornog obuhvata u kojoj se vrši izmjena Plana počinje od mosta na rijeci Vogošći k.č. 2376 preko kojeg prolazi put Sarajevo - Vogošća k.č.1766 i ide na sjeverozapad uz put Sarajevo -Vogošća k.č.1766 kojeg ne obuhvata i dolazi do njegovog raskršća sa putem k.č. 1779, lomi se idući na sjeveroistok putem k.č.1779 (obuhvata ga) i dolazi do njegovog raskršća sa putem k.č.1600 kojim ide u pravcu sjevera u dužini od 30 m (obuhvata ga), ide na jugozapad međama parcela k.č.1605, 1606, 1604, 1070, 1612/2, 1613/1, 1617/1, 1619/2, 1618/1 i 1620/2 (obuhvata ih) te izlazi na rijeku Vogošću k.č. 2376, kojom nizvodno produžava na jugozapad (idući njenim regulisanim koritom) obuhvata je i dolazi do mosta na istoj odnosno mjestu odakle je opis granice prostornog obuhvata i počeo.

Sve naprijed navedene parcele nalaze se u KO Vogošća.

Ukupna površina obuhvata iznosi 1,8 ha.

## Član 3.

Rok za izradu Plana je 5 mjeseci od dana donošenja ove odluke.

## Član 4.

Sredstva za izradu Plana kao i za podloge obezbijedit će Općina Vogošća iz Budžeta za 2001. godinu u iznosu od 15.000,00 KM.

## Član 5.

Nosilac pripreme Plana je načelnik Općine Vogošća (u daljem tekstu: Nosilac pripreme Plana).

Nosilac izrade Plana je Zavod za planiranje razvoja Kantona Sarajevo (u daljem tekstu: Nosilac izrade Plana).

## Član 6.

Izradi Plana prethodi izrada Smjernica za pripremanje i izradu Plana i izrada analitičko-dokumentacione osnove, a verifikuje ih Nosilac pripreme Plana.

## Član 7.

Nosilac pripreme Plana utvrđuje Nacrt Plana te ga podnosi Općinskom vijeću Vogošća na razmatranje i stavljanje na javni uvid i raspravu u trajanju od 15 dana.

Na osnovu rezultata javne rasprave o Nacrtu Plana, Nosilac pripreme Plana utvrđuje prijedlog Plana i podnosi ga Općinskom vijeću Vogošća na donošenje.

Uz Prijedlog Plana, Nosilac pripreme Plana dužan je Općinskom vijeću Vogošća dostaviti, uz obrazloženje, prijedlog i mišljenje na Nacrt Plana koji nisu mogli biti usvojeni.

## Član 8.

Subjekti planiranja su: Općina Vogošća, Ministarstvo prostornog uređenja i zaštite okoliša, Ministarstvo prometa i komunikacija, Ministarstvo privrede - Kantona Sarajevo, Zavod za izgradnju Kantona Sarajevo, javna i javna komunalna preduzeća, preduzeće UNIS Sarajevo, vlasnici i korisnici prostora, mjesna zajednica, drugi zainteresirani subjekti i potencijalni investitori i korisnici prostora ukoliko su poznati.

## Član 9.

Utvrđuje se režim zabrane građenja na prostoru koji je obuhvaćen Planom do donošenja Plana.

## Član 10.

Sastavni dio ove odluke je grafički prilog - prostorni obuhvat Plana prema opisu datom u članu 2. Odluke.

## Član 11.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-1530/01  
30. maja 2001. godine  
Vogošća

Predsjedavajući  
Općinskog vijeća Vogošća  
**Atif Džafo**, s. r.